

痘學真傳卷四目錄

華文季遺孤

太史秦對巖子

銓曹華鳳超孫

庠彥秦瀛僊子

華行可遺孤

考功顧松交孫

進士薛子壽孫

庠彥華民芻孫

太史張臣若女

孝廉王公武孫

庠彥秦丕仙女

宮保張靜涵孫

孝廉顧修遠孫

都督楊大宗子

丁亥冬余初得一子

陝西甘肅子

司理陳淇瞻孫

太學秦亦仙子

湖州郡守吳蘭次孫

客船女

梁溪學師郝元公子

華公安女

學憲顧勉齋孫

徐婦

遼左進士莊廷標子

太守鄒木石孫

秦澗碧子

進士侯朝賓孫

華歌虞子

方伯薛國符孫

兵憲曹履垣女孫

儀部周玉鳧孫

華備基子

州司馬華天翼子

孝廉華子開子

太學倪建侯孫

方伯邵空齋孫

庠彥侯清臣子

孝廉鮑尚侯子

有道高南旃孫

孝廉季聖昭女

鄒子達子

族侄若谷子

庠彥錢公健子

次兒敦本

廣東副使王雪肝孫

孝廉鮑武廬女

進士華遜來子

孝廉堵禾齋女孫

華亦菴孫

宜春令華遜愚孫

華民誦子

貢士胡文其女孫

封翁鄒淡巖子

孝廉秦襄雷子

國博馬大林女孫

歸安令黃存是孫

庠彥虞道巖子

庠彥秦漢仙子

痘學真傳卷之四

梁溪葉大椿子容甫著

吳 觀子瞻

弟子瓚山英

門人華若虬松孺全較輯

甥李禾硯亭

秦汝淳師程

醫案

華文季遺孤素稟有餘八歲冬月出痘大熱煩躁引

飲不食、無汗多淚、六脉洪數、至兩日、面頰見痘成片、色如紅錦、鬱熱毒盛之症也、用黃連犀角牛蒡葛根等味清解之、一日連進三劑、神思畧清、四肢亦透、痘密而勻、但面上焦紅未退、且不肯服藥、用菴荳橄欖煎湯磨犀角四五錢連服、至五朝始齊脹、痘頂放白、根顆肉地稍分別、淚亦漸少、六朝漿起殊速、但不思飲食、唇腫、大便六日不通、忽去薄三次、此火邪發洩之驗、仍用犀角磨服、漿遂足、不破不癢、至十四朝、胃口頓開、犀角湯方止、二便亦如常、二十朝而靨、後因

用厚味過多、停滯胃家、三更時、亥子交會、氣不得轉、厥逆昏暈、聲如拽鋸、口吐痰沫、手足震掉、欲絕、速按湧泉穴、痰畧吐、內用承氣湯、外用艾熨法、黎明大去宿垢而甦、甦後遂輟藥、啜粥一月、俟六脉調勻、虛症已現、常服人參、以固其本、

太史秦對巖子、天元不足、三歲暑月、出痘、根顆色澹、皮薄光亮、而無血澤、頭面四肢密甚、此毒甚而氣虛也、所喜者肌肉潤澤、手足溫和、用養血升提之劑、四服、至五朝而根脚斂、次用獨聖散調服前藥、漿漸充

滿但澹白如初至八朝小腹忽飽脉緩能食此毒盡而氣虛愈甚也連進陳氏異攻散二服諸症悉平愈後常服獨參湯向初生時兩目有薄翳余曾禁其外治今痘後潮熱不止兩顴皆紅服金鳳丸一年元神足熱止目翳亦退

銓曹華鳳超孫脾土素弱嚴寒發痘身熱六七日不見點用參蘇飲二劑痘始出頂平塌色紅澹不一根脚乾枯此脾氣本衰血少而毒盛也用陳倉米煎湯以扶脾氣入四物湯加牛蒡山甲以養血攻毒三服

贈痘俱發前症悉愈六朝服保元
乃輟
每日一劑回脫

庠彥秦瀛仙子五歲昏暈厥逆口
反張面青目上竄腹痛如刺按之
關尤甚此木乘土位而發驚搐且
臟受病痘遂乘病而出論者俱謂
傷寒夾驚遲疑未
定余用連翹升麻湯二服諸症減而
腹痛愈甚痘甫
見點奈細密焦紅特甚急用承氣
湯一服大下宿糞
痛遂止痘始大發但推蕩已過再
用攻伐之劑恐難

于成漿收斂然大毒未出非帶攻發不可乃用養血
扶脾佐以山甲僵蠶大劑服之八朝漿足九朝回起
半月而愈若此症作驚風妄治悞投金石之劑沉寒
膠錮痘毒內攻必致悶伏不測矣

華行可遺孤平素多痰三歲乙未冬出痘發越頗艱
連用溫煖升發之劑痘始見點面部成片印堂畧分
顆粒色乾紅而腹飽氣悶煩躁不寧更用攻毒養血
藥至六朝上部漿足下部不起痘頂陷色灰白無神
根脚散漫用保元湯一晝夜服人參兩許週身始紅

活有漿、每日用參三錢、痘雖回靨、但辦薄血少、身冷
無神、六脉不起、至十六朝、更餘忽昏暈、寒痰上湧、手
足戰掉、汗出如雨、少頃四肢僵直、見者俱謂不起、急
用人參三錢、加桂附煎服、漸漸溫和而甦、爾時醫者
悞認驚風、欲用牛黃丸清之、又以五日不大便、又欲
用行藥利之、不知腸胃爲陰寒錮閉、非宿食壅塞、倘
悞投通利、則虛脫不可爲矣、用附子理中湯四日而
病愈、次用胆導法、去乾糞寸許、餘皆痰沫、連去三四
次、照前方製丸常服、痰症遂愈。

考功顧松交孫女發痘、血熱毒盛、三朝往視、痘尚未
齊、紅色太甚、肌肉不分、治宜攻發、涼解、但涼之太早、
恐痘出不快、而成倒陷、若槩用攻發、又恐漿難貫頂、
忽變抓癢、余連製二方、先進升發二服、以透其表、至
五朝痘齊足、後用黃連地黃等藥、以涼解之、血熱得
涼、漿自充滿、亦不發癢、自然及時回脫、只不可用參
耆耳、先是世叔黃瑞芝已調治二日矣、邀余診視、不
過畧相衡較、適晤對間、證治意指、脗合如券、可見父
師授受、分毫不爽如此、

進士薛子壽孫次君遺孤也。三歲春寒發痘，煩悶不寧，身不熱而內熱口臭，脉洪數，多淚，大渴引飲，惡食。此熱壅于內，寒閉于外。初用升發，其症尤甚，頭面腫脹，眼遂合，週身忽見點，俱白色無根。未半日，盡變水泡如珠。此寒熱相觸也。連用竹葉石膏湯二劑，水泡盡破，煩躁少止。六朝而身始發熱，有汗。再進犀角地黃湯，遂洞泄，穢氣不可聞，眼頓開。至九朝方見紅點，根頂潤澤。至十二朝始齊，但兩腿乾紅，仍用犀角地黃湯而漿足。水泡處亦破爛作膿，惟乾紅處雖起脹

而灌黑膿再服前方黑膿變黃至十七朝頭面回起
二十五朝回足回後常服前藥四十日始愈

庠彥華民芻孫痘密毒重幸元神充旺可輔齊脹成
漿至入朝痘忽塌陷灰白譫語不寧用保元湯二劑
痘復起神思稍寧陰囊玉莖忽紅腫此至陰之位真
氣不能上升鬱而爲腫用肉桂保元湯三服而愈

太史張臣若女平日膚理黃白少神飲食不節五歲
痘出粗肥毒不甚重但冷汗不止身不熱右手脉大
腹飽不思飲食痘形雖大而無贈點色帶澹白此痘

前飲食傷脾、脾不運化之徵也。若不早治、積留于內、痘後恐成疳疾。用消積丸二服、食消汗止、胃開續用人參佐以升發養血之劑、色轉紅活、週身贈點俱出、漿足而愈。

孝廉王公武孫、四歲出痘、四朝往視、痘密甚、色俱乾紅、間有焦黑者、面不腫脹、而兩眼封合、舌有胎刺、唇腫、乃肝火旺極、鬱熱毒甚之症也。余許其可治者、痘形粗糙、摸之碍指、用黃連、地黃、山梔、牛蒡等藥三劑、色潤漿起、但神思不寧、煩躁呌號、徹夜不止、至十朝

痘已漸回前症不減用藥如前不效加人參二劑亦不效至十二朝肩背兩膝發痘疔四五處而前病仍未退更加咬牙譫語逢人欲噬患者指甲齒至血淋此係熱毒未經盡洩而然仍用前方加減早晚各一服外敷拔疔散過二十朝漸減時因渡河遭水厄懇辭之託道兄張涵臯調理月餘而愈

庠彥秦丕仙女七歲患痘細密不勻皮薄光嫩頭面胸背及兩腿多聚痘如當十錢大聚痘處恐其灰陷不起週身又恐其毒盛血虛漿清易破用四物湯加

山甲雞頂血三服，色漸紅潤，皮畧厚而有漿，其聚痘四圍俱敷，拔毒膏始發，頂灌漿，至九朝稍稍回起，不癢不破，但覺神思倦怠，仍用四物湯加黃耆、甘草服五六日而盡回，此症係氣血兩虛，七朝以前火毒已解，七朝以後宜峻用人參，今不早用者，祇因頭面過密，參力太補，恐成癰爛，甚則眼目帶疾，直待回脫已畢，始常服之以補其元。

宮保張靜涵孫三歲，庚戌冬嚴寒發痘，形色焮紅，密如聚粟，兩頰天門不出，治者俱謂毒氣阻塞，刻意攻